

**Razvojna banka Federacije
Bosne i Hercegovine
v.d. Predsjednik Uprave**

Broj: 4420-III/22
Sarajevo, 05.04.2022. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), Zapisnika o ocjeni konačne ponude ponuđača broj 4391-XI/22 od 04.04.2022 godine, člana 20. Statuta Razvojne banke Federacije Bosne i Hercegovine (u daljem tekstu: Banka), u postupku javne nabavke usluga Oracle tehničke podrške za potrebe Razvojne banke Federacije BiH, donosim

**ODLUKU
o izboru ponuđača za nabavku usluga Oracle tehničke podrške za period
od 12 mjeseci**

Član 1.

Prihvata se konačna ponuda ponuđača Oracle BH d.o.o. Sarajevo, Fra Anđela Zvizdovića 1, 71000 Sarajevo, u postupku javne nabavke putem pregovaračkog postupka bez objave obavještenja o nabavci za nabavku usluga Oracle tehničke podrške za period od 12 mjeseci.

Član 2.

Ukupna cijena konačne ponude iznosi 12.969,73 KM, što u konačnici s uračunatim PDV-om iznosi 15.174,58 KM (slovima: petnaest hiljadastotinusedamdesetčetiri i 58/100 KM).

Član 3.

Prijedlog Ugovora dostavit će se na potpis izabranom ponuđaču Oracle BH d.o.o. Sarajevo po sticanju uslova za zaključenje ugovora po osnovu Zakona o javnim nabavkama, računajući od dana kada je ponuđač obaviješten o izboru ponude.

Član 4.

Za realizaciju ove odluke zadužuje se Sektor za podršku poslovanju.

Član 5.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđaču koji je sudjelovao u ovom postupku.

Član 6.

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga Oracle tehničke podrške za period od 12 mjeseci broj 11418-III/21 od 16.12.2021. godine, odobreno je pokretanje postupka javne nabavke predmetnih usluga.

Shodno navedenom, Razvojna banka Federacije BiH, na svojoj web stranici dana 16.12.2021.godine objavila informaciju da na osnovu člana 21. stav (1) tačka c) Zakona o javnim nabavkama, namjerava provoditi pregovarački postupak bez objave obavještenja o nabavci za nabavku usluga - Oracle tehnička podrška na period od 12 mjeseci i to sa ponuđačem Oracle BH d.o.o. Sarajevo, Fra Anđela Zvizdovića br. 1, Sarajevo.

U informaciji je navedeno da će Ugovorni organ- Razvojna banka Federacije BiH učiniti dostupnom tendersku dokumentaciju za sve zainteresovane kandidate/ponuđače.

Poziv za dostavljanje zahtjeva za učešće, odnosno tenderska dokumentacija upućena je ponuđaču Oracle BH d.o.o. Sarajevo dana 16.12.2021. godine. Rok za dostavljanje Zahtjeva za učešće je bio petak 24.12.2021.godine. Ponuđač je prije roka za dostavljanje Zahtjeva za učešće uputio zahtjev za produženje roka za dostavljanje Zahtjeva za učešće i to više puta, te je u konačnici u utvrđenom roku, ponuđač Oracle BH d.o.o. Sarajevo dostavio je zahtjev za učešće sa kvalifikacionom dokumentacijom, nakon čega je Komisija za nabavke imenovana Odlukom Ugovornog organa broj 11420-III/21 od 16.12.2021. godine sačinila Zapisnik o rezultatu pretkvalifikacije kandidata broj 2738-XI/22 od 03.03.2022. godine, te je na osnovu istog donesena Odluka o rezultatima kvalifikacije u pregovaračkom postupku javne nabavke bez objave obavještenja o nabavci broj 2828-III/22 od 04.03.2022. godine.

Ugovorni organ - Razvojna banka Federacije BiH je nakon donošenja Odluke o rezultatima pretkvalifikacije uputila kvalifikovanom kandidatu poziv za dostavljanje početne ponude.

Nakon dostavljanja početne ponude, Komisija za nabavke sačinila je Zapisnik o pregledu i ocjeni početne ponude broj 3333-XI/22 od 15.03.2022. godine, a ponuđaču Oracle BH d.o.o. Sarajevo, dana 16.03.2022. godine dostavljen je poziv za pregovore.

Pregovori su održani 18.03.2022. godine, a Zapisnikom o pregovorima broj 3557-XI/22 od 18.03.2022. godine konstatovano je da ponuđač ostaje pri cijeni navedenoj u početnoj ponudi te se ponuđaču upućuje poziv za dostavljanje Konačne ponude.

Rok za dostavljanje konačne ponude bio je 01.april 2022. godine do 14:00 h, a konačna ponuda je dostavljena dana 01.04.2022. godine u 10:25 h.

Komisija za nabavke izvršila je otvaranje, pregled i ocjenu konačne ponude, te je u svom Zapisniku broj 4391-XI/22 od 04.04.2022 godine konstatovala da ponuda navedenog ponuđača ispunjava postavljene zahtjeve koji su navedeni u tenderskoj dokumentaciji za ovaj postupak javne nabavke.

Imajući u vidu sve prethodno navedeno, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba najkasnije u roku od 10 (deset) dana od dana prijema Odluke saglasno članu 97., 99. i 101. Zakona o javnim nabavkama.



v.d. Predsjednica Uprave

Doc. dr. sci. Mersiha Slipičević, dipl. oec.